



Муаммолар сайёр қабулларда ҳал этилмоқда

Бугун аҳоли мурожаатларини ҳал этиш, уларнинг мушкулини осон қилиш мақсадида турли вазирлик ва давлат ташкилотлари томонидан доимий равишда сайёр қабуллар ташкил этилмоқда.



Бу эса, ўз навбатида, фуқароларни йиллаб қийнаб келган масалаларнинг қисқа фурсатда ечим топишига имкон бераётир. Ўзбекистон Республикаси Марказий банки ҳам ана шундай сайёр қабуллар орқали минглаб юрдошларимизнинг мушкулини осон қилмоқда.

Яқинда Марказий банкнинг Банк хизматлари истеъмолчиларининг ҳуқуқларини ҳимоя қилиш хизмати ҳамда Марказий банк Тошкент шаҳар Бош бошқармаси ва тижорат банклари вакиллари билан биргаликда жисмоний ва юридик шахслар учун сайёр қабуллар ўтказилди. Бу жараён-

да асосий эътибор аҳолининг банк тизими юзасидан мурожаатларини ҳал қилиш, банк тизимида мавжуд тизимли камчиликлар ва банк хизматлари истеъмолчилари ҳуқуқларининг бузилиш ҳолатларини аниқлаш ҳамда уларнинг олдини олиш масалаларига қаратилди.

Жумладан, яқинда Тошкент шаҳри Чилонзор тумани Ипак йўли банкнинг Чилонзор филиалида ўтказилган қабулларда Марказий банк ходимлари ҳамда тумандаги тижорат банкларидан вакиллар иштирок этиб, кун давомида кўплаб фуқароларнинг мурожаатлари ҳал этилди.

(Давоми 2-бетда).

Сифатли банк хизматлари – замон талаби

«Қишлоққурилишбанк» АТБ бош офисидида Ўзбекистон Республикаси Марказий банки ҳамкорлигида банк хизматлари истеъмолчилари билан ўзаро муносабатларни амалга оширишда тижорат банкларининг фаолиятини такомиллаштириш ва бу борада банкларга қўйиладиган талаблар масалаларига бағишланган семинар ўтказилди.

Унда Марказий банк мутахассислари, банк ходимлари ҳамда журналистлар иштирок этди. Бугун дунёнинг 60 давлатида банк

хизматлари оммабоплигини ошириш мақсадида қатор меъёрий ҳужжатлар қабул қилинган.

(Давоми 2-бетда).

Онлайн платформа ишга тушди

Ўзбекистонда илк бор мактаб таълимини ривожлантиришга йўналтирилган ҳомийлик маблағларини сарфлаш бўйича ҳисобот ва шаффофликни таъминловчи онлайн mfond.uz платформаси ишга туширилди.

Мазкур платформа мактаб раҳбарлари учун ўқув муассасасининг моддий-техник базасини ривожлантириш учун ҳомийлик маблағларини жалб қилишга қаратилган восита бўлиб, маблағларни ишлатишда очиқлик ва ҳисобдорликни таъминлашга алоҳида эътибор берилади.

Халқ таълими вазирлиги ва АТ «Алоқабанк» билан ҳамкорликда амалга оширилаётган ушбу лойиҳа орқали мактаб хайрия жамғармасига ҳомийлик

мблағларини ўтказиш мумкин. Жамғарманинг вазифаси Ўзбекистон Республикаси мактаб таълимини ривожлантиришга ҳисса қўшишдан иборат бўлиб, мазкур маблағлар лабораториялар, «Ақлли синфлар» ва бошқа лойиҳаларни яратиш, жиҳозлаш, мактаб инфратузилмаси, қолаверса, ўқувчилар ва ўқитувчиларнинг ижтимоий аҳамиятга эга лойиҳаларини амалга ошириш ҳамда уни ривожлантириш учун йўналтирилади.

Алоқабанк ахборот хизмати

«Ўзсаноатқурилишбанк»да трансформация қилиш бошланди

«Ўзсаноатқурилишбанк» томонидан Халқаро молия корпорацияси (ХМК) билан ҳамкорликда банкни трансформация қилиш ишлари бошланди.

Жорий йилнинг сентябрь ойида мазкур лойиҳанинг биринчи босқичи бошланиб, Халқаро молия корпорациясининг малакали консультантлари томонидан банкнинг таркибий бўлини ва филиаллари фаолияти тўлиқ таҳлил қилинди. Шундан сўнг «Ўзсаноатқурилишбанк» ва ХМК ўртасида таҳлил натижалари муҳокама қилиниб, келгусида амалга ошириладиган ишлар белгилаб олинди. Шунингдек, банкда Марказий Осиёда биринчи бўлиб ишлаб чиқариш объектларининг атроф-муҳитга зарарли таъсирини камайтириш ва энергия тежамкорлигини оширишга қаратилган молиялаштириш механизмлари ва хизмат турлари жорий этиладиган бўлди.

Қайд этиш керакки, биринчи босқичда ХМК томонидан банкнинг амалдаги бизнес стратегиясини амалга оширишнинг ёндашув жараёни баҳоланиб, қайта кўриб чиқилади ва кредит амалиётлари ҳам ўрганилади. Шундан сўнг уларнинг самарадорлиги баҳоланади. Қолаверса, таркибий тузилманинг танланган бизнес моделга мос келиши таҳлил қилиниб, жараёнларни ва рискларнинг оптимал бошқарувига йўналтирилган тузилма тавсиялари ишлаб чиқилади. Корпоратив ва кичик бизнес мижозлари билан ишлаш тизими, унинг бизнес стратегияга мослиги ҳам қайта кўрилади ва шу каби бир қатор йўналишларда банк фаолияти таҳлил қилиниб, барча бизнес жараёнларни оптималлаштириш чора-тадбирлари ишлаб чиқилади.

Таҳлил натижаларига кўра, лойиҳанинг иккинчи босқичида банкнинг жадал ривожланишини таъминловчи корпоратив бошқарув тизими яратилади.

Банкнинг таркибий тузилмаси келгуси 5 йилга мўлжалланган стратегик мақсадлари билан мувофиқлаштирилади ҳамда бизнес жараёнларга рақамли технологиялар жорий этилади. Шу билан бирга, рискларни бошқаришнинг сифати талаб даражасига кўтарилиб, банкнинг молиявий бозордаги ўрни мустаҳкамланади.

finance.uz

УШБУ СОНДА:

Ҳамкорлик
Миллий банк
Францияда
муҳим битимлар
имзолади
3-бет.

Дунёга
нигоҳ
Халқаро
банк-молия
янгиликлари
5-бет.



Статистика ва таҳлил
«Ўзбекистон Республикаси
товар-хомашё биржаси»
АЖ ва «Тошкент»
РФБ савдоларидаги
ўзгаришлар
6-7-бетлар.



Муаммолар сайёр қабулларда ҳал этилмоқда



(Давоми. Бошланиши 1-бетда).

– Сайёр қабуллар давомида соҳа мутахассислари аҳолини банк соҳасида рўй бераётган янгилик ва қулайликлар, кредит турлари бўйича хабардор қилиш билан бирга, уларни қийнаётган муаммо ва тушунмовчиликларга ижобий ечим топшига кўмаклашмоқда, – дейди Марказий банк ижро аппарати бошлиғи Камолитдин Инагамов. – Бугунги қабул жараёнида ҳам юридик ва жисмоний шахслар ўзларини қизиқтираётган масала юзасидан тушунтиришлар олиб, қийнаб турган масалалари жойида ҳал этилди.

Ҳозирги кунда ҳар бир тижорат банки биносида «Фуқаролар қабулхонаси» ташкил этилган ва айни пайтда самарали фаолият юритмоқда. Марказий банк томонидан ҳам ҳар чоракда аҳоли молиявий саводхонлигини ошириш, банк хизматлари истеъмолчиларини сифатли ва тезкор банк хизматлари билан таъминлашга, муаммоларни бартараф этишга қаратилган сайёр қабуллар ўтказиб келинади. Шунингдек, аксарият тижорат банкларида ташкил қилинган «Call center»лар орқали ҳам фуқаролар ўзларини қизиқтирган саволларга тезкор ва тўлиқ жавоб олишмоқда.

– Гувоҳи бўлиб турибмиз, молия муассасалари фаолиятини такомиллаштириш, бу борада аҳолимизга янада қулайликлар яратиш мақсадида турли қонун ва қарорлар қабул қилинмоқда. Мана шу қарорларнинг моҳиятини халққа, фуқароларга, тadbиркорларга тўла етказиб бериш мақсадида банкимиз томонидан ҳам жойларда қатор учрашувлар, семинарлар, сайёр қабуллар ўтказиб келинмоқда, – дейди «Миллий банк» кредит департаменти директори ўринбосари Улуғбек Имомов. – Мазкур учрашувларда тadbиркорлар кўпроқ банклар уларга қай йўсинда, қандай тартибда молиявий кўмак кўрсата олиши билан қизиқади. Бугунги сайёр қабуллар давомида ҳам фуқароларимиз чакана савдо, оилавий тadbиркорлик, кредит турлари, пластик карта масалалари бўйича мурожаат қилишди ва улар бўйича зарур амалий тавсияларимиз, маслаҳатларимизни бердик.

Юзма-юз, очиқ ва ошкора мулоқотлар асосида ўтган сайёр қабулда қатор муаммолар жойида ҳал этилиб, қўшимча ўрганиш, текшириш ва вақт талаб қиладиган мурожаатлар тегишли банк мутахассислари томонидан назоратга олинди.

finance.uz

Сифатли банк хизматлари – замон талаби

(Давоми. Бошланиши 1-бетда).

Шулар қатори юртимизда ҳам жорий йилнинг 23 март куни Президентимизнинг «Банк хизматлари оммабоплигини ошириш бўйича қўшимча чора-тadbирлар тўғрисида»ги қарори имзоланиб, унга мувофиқ Марказий банк томонидан «Банк хизматлари истеъмолчилари билан ўзаро муносабатларни амалга оширишда тижорат банкларининг фаолиятига қўйиладиган минимал талаблар» тўғрисидаги низом ишлаб чиқилди. Низом талабларига кўра, эндиликда банклар томонидан кўрсатиладиган барча хизматлар ҳақидаги маълумотлар истеъмолчига ошкор этилиши (бу маълумотлар тижорат ёки банк сирини ўз ичига олмаслиги зарур), мижозларга банк хизматлари тўғрисидаги маълумотлар матни қисқа ва раvon тилда баён этилиши, банк ва мижоз ўртасидаги шартномалар тузилишидан аввал маълумотлар тўлиқ бепул тақдим этилиши ва таништирилиши лозимлиги қатъий белгиланди.

нинг ўзига юклаш, шартномаларни мижозга кўрсатмаслик, вақтида зарур тушунтиришлар бермаслик каби нохуш ҳолатлар ҳам амалиётда кузатишмоқда, – дейди Марказий банкнинг Банк хизматлари истеъмолчиларининг ҳуқуқларини ҳимоя қилиш хизмати раҳбари Жаҳонгир Абдурасулов. – Бу каби ҳолатларнинг олдини олиш ҳамда истеъмолчилар ҳуқуқларини ҳимоя қилиш мақсадида мазкур низом ишлаб чиқилиб, у банк хизматлари кўрсатилиши янада сифатли бўлишига хизмат қилади. Низом жорий йилнинг 4 октябридан кучга кирди. Унга кўра, энди истеъмолчилар банк хизматлари тўғрисида тўлиқ ва тўғри маълумот олиш ҳамда бир қатор ҳуқуқларга эга бўлдилар.

Семинар давомида Марказий банк ҳамда Истеъмолчилар ҳуқуқларини ҳимоя қилиш федерацияси вакиллари томонидан мазкур низом бандлари, жумладан, банк хизматлари истеъмолчиларига ахборот тақдим этиш қоидалари, расмий веб-сайтда так-



– Сир эмаски, юртимизнинг олис туман ва чекка ҳудудларида истеъмолчиларни сифатли банк хизматлари билан таъминлашда қатор муаммолар ҳануз учраб турибди. Айрим ҳолатларда кредит ҳужжатларини кўриб чиқиш тартиби мураккаблигича қолаётган бўлса, мижозларга айрим банк хизматлари кўрсатилиши жараёнида асосий фоизлар қўшиш, ҳужжатларни нусхалаштиришни истеъмолчилар-

лиф этилаётган хизматлар шартлари ва реклама тусидаги ахборотларни жойлаштириш хусусиятлари ҳамда истеъмолчиларнинг мурожаатларини кўриб чиқиш тартиблари хусусида маълумотлар берилди. Шунингдек, «Қишлоққурилишбанк» АТБ тизимида банк хизматлари сифатини ошириш учун қатор чора-тadbирлар кўрилатгани ҳақида ҳам таъкидлаб ўтилди.


Г.МАЛИКОВА

Академияда янги тингловчилар

Вазирлар Маҳкамасининг 2017 йил 15 апрелдаги «Ўзбекистон Республикаси Банк-молия академияси фаолиятини такомиллаштириш тўғрисида»ги қарорига мувофиқ, Банк-молия академиясининг мақоми оширилиб, қатор муҳим мақсад ва вазифалар белгилаб берилди.

Унга кўра, банк, молия, солиқ тизими ҳамда иқтисодиётнинг реал сектори тармоқлари учун бошқарув кадрлари ва мутахассисларни тайёрлаш, қайта тайёрлаш ва малакасини оширишнинг самарали тизимини ташкил этиш, олий малакали илмий ва илмий-педагог кадрлар тайёрлаш, шунингдек, кўрсатилган соҳаларда илмий тadbиротлар ўтказиш Академиянинг асосий мақсадларидандир.

Мазкур қарордан келиб чиқиб, 2018–2019 ўқув йилида Академия тегишли чора-тadbирларни амалга ошириб келмоқда. Жумладан, яқинда Банк-молия академияси магистратурасига 200 нафар тингловчи қабул қилингани муносабати билан тadbир уюштирилди. Банк-молия академияси ректори вазифасини вақтинча бажарувчи Адҳам Бекмуродов тингловчиларни имтихондан муваффақиятли ўтгани би-



лан табриклар, ўқишга масъулият билан ёндашишга чақирар экан, давлатимиз иқтисодиёти ривожини учун ҳисса қўшадиган муҳим кадрлар бўлиб етишишни тилади. Ўз навбатида, мазкур қарор мазмун-моҳиятига алоҳида тўхталиб ўтди.

Таъкидлаш жоизки, 2018–2019 ўқув йилидан бошлаб 1-босқичга қабул қилинган тингловчилар учун янги Давлат таълим стандартлари, мутахассислик-

лар кесимида ўқув режалари, фан дастурлари асосида дарс-машғулотлари ташкил этилади. Ўқиш давомида тингловчилар Япония, Германия, Швейцария, Жанубий Корея ва бошқа ривожланган давлатларда малака ошириш имкониятига эга бўладилар. Шу билан бирга, уларнинг билимини назорат қилиб боришда ҳафталик мониторинг ўтказиш, маҳорат дарслари ташкил этиш, турли маънавий-маърифий, спорт билан мунтазам шуғулланишга қаратилган тadbирлар ўтказиб борилади.

– Академия магистратурасига танлов уч босқичда, вазирлик ва идораларда, сўнги босқич Давлат тест маркази томонидан тест синовлари ўтказиш орқали амалга оширилди, – дейди 1-босқич тингловчиси Лазизбек Турсунов. – Бу синовлардан ўтиш осон кечгани йўқ. Бироқ тўплаган тажриба ва билимимиз ўз натижасини кўрсатди. Имтихонлардан муваффақиятли ўтиб, ўқишга қабул қилинганимдан жуда мамнунман. Эндиликда Академияда билим ва малакамни янада ошириб, иқтисодиётимиз ривожига ўз ҳиссамни қўшиш асосий мақсадимдир.

Тadbир сўнгида тингловчилар Академия раҳбарияти ва малакали профессор-олимлар билан яқиндан танишдилар.

Б.МУҲАММАДИЕВ


ҲАМКОРЛИК

Миллий банк Францияда муҳим битимлар имзолади

Парижда Ўзбекистон Республикаси Президенти Шавкат Мирзиёевнинг Францияга расмий ташрифи арафасида ўтказилган Ўзбекистон-Франция бизнес-форуми доирасида Ўзбекистон Миллий банки бир қатор йирик молия муассасалари билан муҳим битимлар имзолади. Шулардан бири NATIXIS банки бўлиб, ҳамкорлик доирасида 500 млн. евролик кредит битими тузилди.

Битимлар экспорт-кредит агентликлари кафолати остида Франция ва бошқа Европа мамлакатларидан юқори технологиялар ва хизматларни кичик бизнес субъектлари ва хусусий тадбиркорларга етказиб бериш бўйича инвестицион лойиҳаларни молиялаштиришни кенгайтиришни назарда тутди. Келишувларга кўра, экспортни молиялаштирувчи лойиҳаларни амалга ошириш ҳамда Европа капитал бозорига киришда кўмак бериш ҳамда стратегик лойиҳаларни амалга ошириш учун кредитларни ажратиш кўзда тутилган.

Шунингдек, Ўзбекистон Миллий банки Франциянинг яна бир йирик «Кредит Агри-



коль» банки билан ҳам 300 млн. евролик шартнома имзолади. Шартнома экспорт-кредит агентликлари суғурта қопламаси остида француз банкининг кредит линияси ҳисобидан Ўзбекистондаги инвестиция лойиҳаларини молиялаштиришни назарда тутган. Имзоланган мазкур кредит шартномаси узоқ муддатли кредит ресурсларини янада қулайроқ шароитларда жалб этиш имконини беради. Crédit Agricole S.A. банки бу кредит линиясининг давлат кафолатисиз жалб этилиши халқаро молия институтларининг Ўзбекистон ва унинг банк муассасаларига ишончи ортиб бораётганидан далолат беради.

Шунингдек, Миллий банк Парижда ўтказилган Ўзбек-француз бизнес форумида Франциянинг «Буиг» компанияси билан туризм инфра-тузилмасини ривожлантириш соҳасида ҳамкорлик қилишга ҳам келишиб олди. Унга кўра, Ўзмиллийбанк ва «Буиг» компанияси туризм соҳасидаги лойиҳаларни амалга ошириш

бўйича 100 миллион евролик битимни имзолашди.

Битим давлат раҳбари ташаббуси асосида қабул қилинган «Бухоро шаҳри ва вилоятининг 2017–2019 йиллар давомида туризм салоҳиятини жадал ривожлантириш дастурига асосан «Қадимий Бухоро» туризм ҳудудини қуришни ўз ичига олади. Лойиҳа 10 гектар ҳудудда меҳмонхоналар, савдо-кўнгилочар маркази, ресторанлар, сара уй комплекси, ландшафт боғларини барпо қилишни назарда тутди. Битим доирасида «Буиг» компанияси лойиҳалаштириш ва қуриладиган ташқари, бу йўналишдаги лойиҳаларни амалга ошириш учун янги инвесторларни излаш ва қурилган объектларни бошқаришда кўмаклашади.

Маълумотларга кўра, «Буиг» компанияси Ўзбекистоннинг бошқа туризм шаҳарларида меҳмонхоналар ва курортлар тизими лойиҳаларини босқичма-босқич амалга оширишни режалаштирган.

finance.uz

ЎЗБЕКИСТОН РЕСПУБЛИКАСИ
МАРКАЗИЙ БАНКИ БОШҚАРУВИНИНГ
ҚАРОРИ

Тижорат банклари томонидан қимматли қоғозлар билан ўтказиладиган операцияларга ва уларнинг бошқа корхоналар устав капиталига қатнашишига қўйиладиган талаблар тўғрисидаги низомга ўзгартиришлар киритиш ҳақида

Ўзбекистон Республикаси Адлия вазирлигида
2018 йил 6 сентябрда 1894-3-сон билан
рўйхатдан ўтказилди.

Ўзбекистон Республикасининг «Ўзбекистон Республикасининг Марказий банки тўғрисида»ги Қонуни ва Ўзбекистон Республикаси Президентининг 2018 йил 24 майдаги ПФ-5447-сон «Ўзбекистон Республикаси Президентининг ва Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш, шунингдек, баъзиларини ўз кучини йўқотган деб ҳисоблаш тўғрисида»ги Фармонига мувофиқ Ўзбекистон Республикаси Марказий банки Бошқаруви қарор қилади:

1. Ўзбекистон Республикаси Марказий банки Бошқарувининг 2008 йил 27 декабрдаги 30/2-сон қарори (рўйхат рақами 1894, 2009 йил 2 февраль) (Ўзбекистон Республикаси қонун ҳужжатлари тўплами, 2009 й., 6-сон, 57-модда) билан тасдиқланган Тижорат банклари томонидан қимматли қоғозлар билан ўтказиладиган операцияларга ва уларнинг бошқа корхоналар устав капиталига қатнашишига қўйиладиган талаблар тўғрисидаги низомга иловага мувофиқ ўзгартиришлар киритилсин.

2. Мазкур қарор расмий эълон қилинган кундан эътиборан кучга киради.

Ўзбекистон Республикаси

Марказий банки раиси

Тошкент ш.,

2018 йил 18 август, 27/12-сон.

М. НУРМУРАТОВ

Ўзбекистон Республикаси
Марказий банки Бошқарувининг
2018 йил 18 августдаги
27/12-сонли қарорига
ИЛОВА

Тижорат банклари томонидан қимматли қоғозлар билан ўтказиладиган операцияларга ва уларнинг бошқа корхоналар устав капиталига қатнашишига қўйиладиган талаблар тўғрисидаги низомга киритилаётган ўзгартиришлар

1. 3-банднинг бешинчи хатбоши чиқариб ташлансин.

2. 4-банднинг «д» кичик банди ўз кучини йўқотган деб топилсин.

ЎЗБЕКИСТОН РЕСПУБЛИКАСИ
МАРКАЗИЙ БАНКИ БОШҚАРУВИНИНГ
ҚАРОРИ

Бир қарз олувчи ёки бир-бирига дахлдор қарз олувчилар гуруҳи учун таваккалчиликнинг энг кўп миқдорлари тўғрисидаги низомнинг 8-бандига ўзгартириш киритиш ҳақида

Ўзбекистон Республикаси Адлия вазирлигида
2018 йил 6 сентябрда 2707-3-сон билан
рўйхатдан ўтказилди.

Ўзбекистон Республикасининг «Ўзбекистон Республикасининг Марказий банки тўғрисида»ги Қонуни ва Ўзбекистон Республикаси Президентининг 2018 йил 24 майдаги ПФ-5447-сон «Ўзбекистон Республикаси Президентининг ва Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш, шунингдек, баъзиларини ўз кучини йўқотган деб ҳисоблаш тўғрисида»ги Фармонига мувофиқ Ўзбекистон Республикаси Марказий банки Бошқаруви қарор қилади:

1. Ўзбекистон Республикаси Марказий банки Бошқарувининг 2015 йил 22 июлдаги 19/16-сон қарори (рўйхат рақами 2707, 2015 йил 5 август) (Ўзбекистон Республикаси қонун ҳужжатлари тўплами, 2015 й., 31-сон, 420-модда) билан тасдиқланган Бир қарз олувчи ёки бир-бирига дахлдор қарз олувчилар гуруҳи учун таваккалчиликнинг энг кўп миқдорлари тўғрисидаги низомнинг 8-бандига:

тўртинчи хатбоши чиқариб ташлансин;

бешинчи хатбоши тўртинчи хатбоши деб ҳисоблансин.

2. Мазкур қарор расмий эълон қилинган кундан эътиборан кучга киради.

Ўзбекистон Республикаси

Марказий банки раиси

Тошкент ш.,

2018 йил 18 август, 27/12-сон.

М. НУРМУРАТОВ

Халқ банки ва ҳинд компаниясидан янги лойиҳалар

Акциядорлик тижорат Халқ банкида Ҳиндистоннинг «Eagle Press Private Limited» компаниясининг бизнесни ривожлантириш менежери Балажи Беэки билан учрашув бўлиб ўтди.

Унда АТ Халқ банки бошқаруви раиси ўринбосари Н.Аббосов, Халқ банки лотереяларни ташкил этиш бошқармаси бошлиғи Т.Исламов ҳамда тегишли банк мутахассислари «Eagle Press Private Limited» компанияси билан келгусидаги ҳамкорлик алоқалари юзасидан музокаралар олиб боришди.

Маълумот учун айтиш лозимки, «Eagle Press Private Limited» компанияси Ҳиндистоннинг дунёга машҳур канцелярия товарлари, оммавий ахборот воситаларини чоп қилиш, лотереяларни тайёрлаш, ахборот технологиялари, озиқ-овқат, соғлиқни сақлаш, суғурта, мобил қурилмалар учун дастурлар яратиш, қурилиш соҳаси, энергетика ва бошқа тармоқ соҳалари учун маҳсулотлар ишлаб чиқарувчи ва хизматлар кўрсатувчи компаниялардан ташкил топган «Eagle Press Group» компаниясининг бир тармоғи ҳисобланади.

Ушбу компания айна пайтда лаҳзали лотерея билетларини ишлаб чиқариш, онлайн лотерея, мобил лотереяларнинг янги турларини жорий этиш ҳамда лотерея ўйинларини ташкил этишда менежмент хизматларини кўрсатиш билан шугулланади. Шунингдек, банк соҳасига замонавий технологияларни жорий этишда ҳам катта ютуқларни қўлга киритган.



Акциядорлик тижорат Халқ банки ҳам мазкур компания билан лотерея ўйинларини ташкил этиш, соҳага замонавий технологияларни жорий қилиш масалаларида ўзаро ҳамкорлик алоқаларини олиб бормоқда.

Учрашув давомида Халқ банки ҳамда «Eagle Press Private Limited» компанияси ҳамкорлик доирасида янги лойиҳаларни ташкил этишга келишиб олди.

Банк ахборот хизмати

БАНК ВА МИЖОЗ

Интиланганга толе ёр

Сир эмаски, бугун ёшларимиз орасида тадбиркорликни йўлга қўйиб, сифатли ва ҳамёнбоп, харидоргир маҳсулот ишлаб чиқараётган ишбилармонлар кўплаб топилади. Шундай инсонлардан бири фарғоналик ёш тадбиркор Лочинбек Усмоновдир. У айна кунда уч оилавий корхонанинг раҳбари бўлиб, 80 дан ортиқ кишини иш билан таъминлади.

2015 йили тадбиркор сифатида қонуний рўйхатдан ўтган йигитнинг шу даражага етиши осон кечмади. Дастлаб Қўқон бозорида оддий сотувчи бўлиб ишлади. Ўша кезлари харидорларнинг диди, қандай маҳсулотлар кўпроқ ёқишини ўрганиб ва пойтахтга келиб, сумка ишлаб чиқарувчи кичик цех очди. Бироқ ходимларни вақтида иш ва хомашё билан таъминлай олмагани ҳамда маҳсулотни бозорда ўткази олмагани сабаб, бир йилдаёқ ортага қайтишга мажбур бўлди.

Лекин Лочинбек тушқунликка тушмади, доим олдинга интилди. Пухта бизнес-режа ишлаб чиқиб, 2015 йилги «Менинг бизнес ғоям» республика танловида иштирок этди ва биринчи ўринни қўлга киритди. Танлов шарофати билан йиллик 9 фоизли 22 млн. сўм

имтиёзли кредитга эга бўлди. Ушбу маблағга чет элдан тикув дастгоҳлари келтириб, ҳар хил турдаги сумкалар ишлаб чиқаришни йўлга қўйди ва фароиятини кенгайтди. Дастлаб 10 нафар тенгдошларини ишли қилган бўлса, айна кунда учта — «Modern bags», «Elegant bag field», «Super bags» оилавий корхоналарида 80 дан ортиқ ишчилар меҳнат қилмоқда.

— Ёшлар иттифоқи ташкил топгач, Ёшлар тадбиркорлигини қўллаб-қувватлаш марказига аъзо бўлдим. Тадбиркорлар учун ўтказилган диган маҳорат дарслари, турли лойиҳалардан бохабар бўлиб турдим. Яқинда Марказ корхоналаримиз ишини ўрганиб чиқиб, йиллик 13 фоизли 250 млн. сўмлик имтиёзли кредитга тавсия берди. «Микрокредит-банк» АТБ дан олинган ушбу маблағни



«Фарғона чарм полимер» ва чет эллик ҳамкорларимиздан сифатли хомашё харид қилишга йўналтириш ниятида. Шу кунга қадар ҳам ишларимиз ёмон бўлгани йўқ. Цехларимиз томонидан ойга ўртача 10-15 минг дона сумка ишлаб чиқарилиб, республикамизнинг турли бозорларига етказиб берилмоқда. Шукри, маҳсулотимиз ўз эгасини топмоқда. Савдо ҳажминини ошириш ниятида яқинда Россия, Қозоғистон, Қирғизистон, Тожикистон давлатларида бўлиб, уларнинг талабини ўргандик. Келгуси йили мана шу давлатларга сифатли маҳсулот етқа-

зиб бериш ҳаракатида. Айна кунда қўшни Тожикистон Республикаси ишбилармонлари билан ҳамкорлик шартномасини имзолаганимиз.

Юртимизда аёллар сумкасини ишлаб чиқарувчи корхоналар бисёр, улар ўртасида рақобат ҳам кучли. Бироқ тўхтовсиз янги моделларни бозорга чиқариш ва арзонроқ нархни белгилаш «Super bags» ва «Bek sumkalari» бренди эгаси — фарғоналик тадбиркор Лочинбекка омад олиб келмоқда. Бундай ютуқларда, албатта, банк соҳаси вакилларининг ҳам ўз ҳиссаси бор.

Г. МАЛИКОВА

Рағбатлар шижоатга ундаётир

Айни дамларда бободоҳқон хирмон кўтариб, далада юмуши қизиган. Айниқса, пахтакорларни айтмайсизми?! Қўли-қўлига тегмай оқ олтин ҳосилини тоғдек қилиб уймоқда. Дили бир, тили бир меҳнатқашларнинг нияти ҳам бир — у ҳам бўлса, ҳосилни нест-нобуд қилмай, ёгингарчиликларга қолдирмасдан йиғиштириб олиш.



чиккани йўқ. Бу эса ҳар бир ишчининг янада шижоатга ундаётир. Шу пахтанинг орқасидан рўзгоримизнинг ҳам кам-кўстини бутлаб олдик. Тўй қиламан деб, ният қилганлар ҳам шу даладан барака топмоқда. Ишонсангиз, ҳозир қишлоғимизда бекорчининг ўзи йўқ. Ҳамма бир сиқим бўлса ҳам пахта терсам дейди. Ҳам оиласига ҳам теримга ёрдам қилапти-да. Бунинг учун шу «оқ олтин»ни етиштирган фермерлар ва молиявий томондан қўллаб-қувватлаётган тижорат банкларидан миннатдоримиз.

Самимий сўзларини эшитиб, бу ҳосилни етиштирган бободоҳқон — фермер хўжалиги раҳбари Уктам Икромовнинг ҳам фикри билан қизиқдик.

— Эрта баҳордан то кеч кузгача даладан чиқмай, пахтанинг сувию, ўғити, чопиги, бошқа техник ишлари бир бўлак бўлса, ҳосилнинг чўғи бир бўлак-да. Неча ой қилган меҳнатинг, чеккан захматинг самарасини кўриш, бежизга тер тўкмаганингни ҳис қилиш кишига ўзгача завқ бағишлайди. Шу кунларда ана шундай ширин ташвишларда. Бу йил ҳам режани ортиги билан биринчи теримдан оқ ундади, маррани забт этдик. Эндиги ишимиз, қолган ҳосилни тезроқ йиғиштириб, хирмон-

ни янада баланд қилиш. Шунини алоҳида айтиш керакки, бу йилги пахта мавсуми теримида қийналганимиз йўқ. Қишлоқдошларимизнинг ўзи кўмакка келди. Бунинг боиси, албатта, меҳнатга яраша ҳақ тўланишидир. Чунки пахта терими учун пул маблағларининг ўз вақтида тўланаётгани ютуқларимизнинг гарови бўлмоқда. Бунда, албатта, давлатимиз томонидан қаратилаётган эътибор муҳим аҳамият касб этмоқда. Шу ўринда Агробанк жамоасига ҳам миқнатдорчилик билдириб ўтмоқчиман. Шу банкнинг миждо сифатида айтишим мумкинки, тизимда биз фермерларга қатор янги интерфаол хизмат турлари жорий этилиб, кўплаб қулайликлар яратилмоқда. Бугунги кунда банкка бормасдан «Agrobankmobile-biznes» мобил иловаси орқали ишимизни қисқа фурсатларда ҳал этишимиз. Бу эса ҳам меҳнатимизнинг унумига, ҳам хўжаликнинг ривожига ҳисса қўшмоқда.

Туманнинг бошқа фермер хўжалиқларида бўлганимизда ҳам юрдошларимиздан ана шундай илиқ фикрларни эшитдик. Шу боис, кишилар ҳаётидан, меҳнатидан рози бўлиб, миқнатдорлик изҳорларини сизга ҳам улашдик.

Б.МУҲАММАДИЕВ



FINANCEUZ хабар қилади

Жамоат транспортда автоматлаштирилган тўлов тизими

Хизмат кўрсатиш тизимида замонавий тўлов технологияларининг кенг қўлланилиши аҳолига кўплаб қулайликлар яратмоқда. Айниқса, жамоат транспортда нақд пулсиз тўловларнинг жорий этилаётгани йўловчилар учун янада енгиллик бераётир.

Ягона умумреспублика процессинг маркази «BPC Group» халқаро холдинг компанияси билан ҳамкорликда АВТ технологиялари асосида «STS» (Smart Ticketing Solution) дастурий-таъминот мажмуини ишлаб чиқди. Бу ҳақда марказ сайтида маълум қилинди.

АВТ (Account-Based Ticketing) — фойдаланувчининг шахсий ҳисоб рақамига асосланган жамоат транспортда амалга оширилаётган замонавий тўлов тизимидир.

У орқали барча тўловлар марказий серверда сақланади. Унинг афзалликларидан бири, унда замонавий банк карталари (Uzcard, VISA, Mastercard, UPI, МИР) орқали тўловларни амалга ошириш имконияти яратилган. Режага мувофиқ, эндиликда карталар Марказга интеграция қилинади. Шунингдек, Марказ томонидан масофавий тўловлар соҳасида яратилган қулайликлар инobatга олиниб, транзакцияларни амалга ошириш жараёнида хавфсизликни таъминлаш ва транспорт компаниялари тизимида бенуқсон тизимни жорий этишга ҳамда инсон омилларига боғлиқликни камайтиришга алоҳида эътибор қаратилмоқда.

Маълумки, «BPC Group» компанияси жамоат транспортда тўловларни амалга ошириш соҳасида автоматлаштирилган ишланмаларни жорий этишда кўп йиллик тажрибага эга бўлиб, рақамли ва инновацион ишланмалар бозорида жаҳонда етакчи ҳисобланади. Айна кунда у дунёнинг 70 дан ортиқ мамлакат компаниялари билан ҳамкорлик қилади.

ДУНЁГА НИГОХ



ЕИ нақд пуллар ҳаракати назоратини кучайтиради

Европа Иттифоқи Кенгаши Иттифоққа олиб кириладиган ёки ундан олиб чиқилаётган нақд пуллар назоратини кучайтиришни назарда тутувчи тартибни тасдиқлади.

Ехужжатда қайд этилишича, ЕИ Кенгаши жорий йилнинг июнь ойида Европа парламенти билан биргаликда нақд пуллар ҳаракатини назорат қилишга оид қарор қабул қилган.

Брюсселдагиларнинг фикрича, янги тартиб ЕИдан чиқиб кетадиган ёки кириб келаётган нақд пуллари назорат қилишнинг амалдаги тизимини жонлантиради. ЕИнинг янгиланган қонунчилиги терроризмни молиялаштириш ва маблағларни ноқонуний ўзлаштириш билан курашиш борасидаги энг сўнгги ўзгаришларни ўз ичига олган.

Янги ҳужжатда нақд пуллар тушунчасининг кўлами кенгайган. Яъни нақд пуллар бу нафақат қоғозли пуллар кўринишидаги банкноталар, балки бошқа турдаги ликвидли воситалар, маҳсулотлар, чеклар, йўл чеклари, банк карталари ва олтин сингари буюмлар ҳам эканлиги қайд этилган. Шунингдек, ҳужжатни қўллаш қамрови кенгайтирилди. Унга кўра, почта ўтказмалари орқали ҳаракатланаётган пул маблағлари ва уларни ҳаракатлантириш учун сарфланадиган транспорт харажатлари ҳам текширилиши мумкин.

Янги қонунчиликка биноан Европа Иттифоқига кириб келаётган ёки ундан чиқадиган ҳар бир фуқаро 10 минг евродан ортиқ маблағга эга бўлган тақдирда уни божхона декларациясида кўрсатиши лозим бўлади. Айрим ҳукуматлар талабига кўра саёҳатчиларнинг пуллари махсус текширувдан ўтказилиши ҳам мумкин.

Deutsche Bank 31 мамлакат валютасига баҳо берди

Deutsche Bank таҳлилчиларнинг BEER услуги бўйича ўтказган тадқиқотида 31 та валюта ўрганилди.



Уларнинг ҳулосасига кўра, ушбу валюталарнинг 10 таси ўз қиймати нисбатан қимматроқ, 21 таси эса, аксинча, арзон баҳоланаётганлиги аниқланган.

Ўзининг ҳақиқий қиймати бўйича қадрланмаётган валюталар сафида Россия рубли, турк лираси ва Колумбия пьесоси сингари валюталар турибди.

Энг кучли валюталар бешталигига Чехия крони, Жанубий Корея вони, Таиланд бати, АҚШ доллари ва Швейцария франки кирди. Банк шарҳида АҚШ долларининг қиймати тахминан 7 фоиз оширилгани таъкидланди.

Тадқиқотда айтилишича, Россия рублининг қўллаб-қувватланишига бир қатор омиллар таъсир қилган: Марказий банк позицияси, юқори реал ставка ва нефть ортиши билан боғлиқ валюта захиралари ҳамда бюджет қондалари доирасида валютани сотиб олишнинг тўхтатилиши каби омиллар келтирилган.

Маълумот тариқасида айтиш лозим, BEER (валюта курсидаги мувозанатни баҳолаш услуги)ни 1999 йилда инглиз иқтисодчилари Питер Кларк ва Рональд Макдональд ишлаб чиққан. Ушбу услуб орқали валюта курсининг мамлакатларнинг инфляция, ишлаб чиқарувчанлик ва бошқа шу сингари макроиктисодий кўрсаткичларга нисбатан ҳақиқий баҳосини аниқлаш мумкин.

ФЗТ асосий ставка ҳажмини оширди

АҚШнинг ФЗТ қошидаги Очиқ бозорлар бўйича федерал қўмитаси (FOMC) асосий ставкани 0,25 бандга ошириб, 2-2,25 фоизга етказишга оид қарор қабул қилди. Бу мазкур ташкилотнинг жорий йилда асосий ставкани учинчи бор оширишидир.

ФОМС баённомасида қайд этилишича, қўмита томонидан август ойида ўтказилган сўнгги йиғилишдан буён макроиктисодий статистика меҳнат бозори мустақамлашишда давом этаётгани, иқтисодий фаоллик барқарор ўсаётганини кўрсатади. Ишсизлик даражаси пастлигича қолган, янги иш ўринлари кўпайган. Айтилган уй хўжалиги харажатлари ва асосий капиталга киритилаётган сармоялар ҳам ортган. Йиллик инфляция тахминан 2 фоизлигича қолган.



Шунингдек, FOMC хабарномасида узоқ йиллар мобайнида илк марта пул-кредит сиёсати рағбатлантирувчи хусусиятга эга бўлмаганлиги баён этил-

ди. Айтилган пайтда ФЗТ раҳбари мазкур ўзгариш пул-кредит сиёсатидаги йўналиш ўзгаришидан далолат эмаслигини қайд этди.

«Нуқтали диаграмма» амалиёти (ҳар уч ойда бир маротаба FOMCнинг ҳар бир аъзоси томонидан ставка бўйича қилинган башорати)га кўра, қўмитанинг сўнгги йиғилишида 16 нафар аъзодан 12 нафари йил якунига қадар ставка миқдори яна ошиши мумкинлигини тахмин қилган. ФЗТ пул-кредит сиёсатидаги кескинлашиш 2019-2020 йилларда ҳам давом этишини башорат қилмоқда. Унга кўра, 2019 йилда унинг ҳажми 3,13 фоиз, 2020 йилда 3,4 фоизга тенг бўлиши мумкин.

FOMCнинг келтиришича, келажакда ставканинг босқичма-босқич оширилиши «иқтисодий фаолликнинг барқарор кенгайиши», меҳнат бозоридаги барқарорлик таъминланиши ва инфляция даражасининг 2 фоиздан ошмаслигига доир мақсадлар билан ҳамроҳанг тарзда амалга оширилади.

2023 йилга бориб мобиль тўловлар ҳажми 4,6 триллион доллардан ошади

Allied Market Research компанияси томонидан ўтказилган тадқиқот натижасига кўра, турли хил смартфон ва уяли алоқа воситалари орқали маҳсулот ва хизматлар учун амалга оширилган тўловлар ҳажми шиддат билан ўсиб бормоқда.

2016 йилда мобиль тўловлар ҳажми 601 млрд. АҚШ долларига тенг бўлган бўлса, 2023 йилга бориб унинг ҳажми камида 4,6 трлн. АҚШ долларига етиши мумкин. SMS-тадқиқлов орқали амалга ошириладиган молиявий амалиётлар улуши яқин келажакда 33 фоиз ўсиши тахмин қилинмоқда.

Айтилган пайтда алоқасиз тўлов шаклидан фойдаланган ҳолда амалга ошириладиган тўловлар ҳажми ҳам ортиши кутилмоқда. Натижада мобиль телефонлар ўрнига кредит карталар эгаллаиди. Пировардида бозорда биткоинли трансмантиётлар етакчи ўринга чиқади ва амалдаги пулли тўловлар бироз четга сурилиши мумкин. Шундай мазмундаги башоратлар бошқа таҳлилчилар томонидан ҳам билдирилган эди.

Рақамли активга эга амалиётлар ҳам кенг миқёсда тарқалмоқда. Айрим компаниялар, масалан, Squagenнинг таъкидлашича, рақамли валюталар-



дан фойдаланиш ҳажми шиддат билан ўсади.

Бозорда мобиль тўловлар ҳажмининг ўсиши одамлар ҳаётида смартфонларнинг ўрни ортиб бориши билан боғлиқ. Қолаверса, юқори тезликка эга мобиль интернетнинг қамрови ҳам кенгайиб бораёпти. Мисол учун, бир йил давомида Буюк Британияда 4G тармоғининг тарқалиши 26 фоиздан 55 фоизга кўтарилди.

Бугунги кунда мобиль тўловлар бозори тобора ривожланиб бораётган ҳудуд – Бу Осиё – Тинч океани ҳудуди ҳисобланади. Рўйхатнинг кейинги ўринларини Шимолий Америка ва Европа эгалламоқда.

СТАТИСТИКА

Ўзбекистон Республикаси товар-хонаш ё биржаси
2018 йил 1 октябрдан 5 октябргача бўлган
биржа (ички бозор) нархлари котировкаси

Маҳсулотларнинг номи	Жорий котировка* (сўмда тоннаси учун)	Нархлардаги ўзгаришлар		
		динамика	(сўмда)	(%)
Автобензин АИ-80	4 410 183	▲	86 760	2,0%
Автобензин АИ-91	6 099 505	▲	314 576	5,4%
Автобензин АИ-95	9 070 000	—	0	0%
Азот-фосфорли калий NPK 10:10:10 (қопда)	1 580 000	—	0	0%
Азот-фосфор ўғит (қопда)	1 251 477	▼	-53 548	-4,1%
Аммиак селитра «А» (қадоқланмаган)	1 076 049	—	0	0%
Аммофос 46:10 (қопда)	2 502 672	—	0	0%
Арматура 25 ст 35 ГС	5 485 839	▼	-3 203	-0,1%
Курилиш битуми БН 90/10	5 943 566	▲	1 426 888	31,6%
Дизель ёқилғиси	7 160 861	▼	-520 462	-6,8%
Дизель ёқилғиси ЭКО	7 967 296	▲	603 815	8,2%
Сўндирилмаган оҳак 1 нав (қопда)	630 000	—	0	0%
Карбамид (қадоқланмаган)	923 928	—	0	0%
Квадрат 20 ст 0 СП	5 682 900	—	0	0%
Техник керосин	6 762 796	—	0	0%
Озик-овқат сирка кислотаси, 70%	6 440 354	—	0	0%
Нефть кокси	2 087 840	—	0	0%
Ем аралашмаси	1 220 834	▲	79 827	7,0%
Доира 100 ст 3 СП	5 636 843	▼	-82 281	-1,4%
Линт 1-нав тип Б (класс олий)	2 901 678	▲	3 190	0,1%
Линт 2-нав тип Б (класс олий)	2 541 916	—	0	0%
Лист г.к 16x1500x6000 мм 3 сп пс5	8 350 000	—	0	0%
Ўсимлик ёғи ПЭТ 1 л	9 142 096	▲	120 961	1,3%
Саноат мойи И-50А	5 922 624	▼	-38 867	-0,7%
Мотор мойи DELCOR GTI SuperSAE15w40APICI-4 (литр)	26 200	—	0	0%
Писта ёғи	6 400 027	—	0	0%
Рулонли фольгасиз гидроизоляцияцион том ёпиш материали, ТПП қалинлиги 4 мм (қв.м)	14 000	—	0	0%
Мис ўрамаси	51 265 455	▼	-494 204	-1,0%
Бугдой уни, 1-нав	966 613	—	0	0%
Бугдой уни, олий нав	1 353 334	—	0	0%
Хўжалик совуни, 70% (дона)	2 080	▲	15	0,7%
Натрий бикарбонат – ош содаси, 1-нав (қопда)	2 887 200	—	0	0%
Полипропилен J-550S	12 433 941	—	0	0%
Полиэтилен F-0120	16 016 464	▼	-155 409	-1,0%
Портландцемент ССПЦ М-400 (қопда)	586 164	▼	-13 965	-2,3%
Сим 6,3 ст 3	7 672 776	▲	72 776	1,0%
Ем учун дон 3-класс	1 367 218	▲	114 928	9,2%
Ем учун дон 4-класс	1 309 229	▲	195 661	17,6%
Ем учун дон 5-класс	988 703	—	0	0%
Шакар (импорт)	4 350 000	▲	80 000	1,9%
Суюлтирилган газ	3 803 676	▲	1 054 566	38,4%
Мойли солидол смазка	12 600 000	▲	922 314	7,9%
Кальцийлаштирилган сода (қопда)	1 376 678	▲	4 633	0,3%
Техник туз	220 000	—	0	0%
Алюминий қотишмалари АК7	14 860 870	▲	60 070	0,4%
Пўлат тунука г.к 6x1500x6000	7 500 000	▼	-100 000	-1,3%
Пўлат сим ВР-1 д 5мм	6 850 000	—	0	0%
Сайқалланган ойна М1-СВР қалинлиги 3,5 мм	25 008	▲	30	0,1%
Шиша банка 3 л (дона)	1 989	▲	95	5,0%
Сульфат аммоний (қадоқланмаган)	746 413	▼	-35 675	-5%
Калий сульфати (қадоқланмаган)	8 572 490	—	0	0%
Суперфосфат (қадоқланмаган)	770 663	▼	-10 684	-1,4%
Труба 15x2,8 (метр)	80 300	—	0	0%
Пўлат квадрат труба 125x125–4,0 мм (метр)	112 494	—	0	0%
Бурчак 35 ст 3 СП	5 981 364	▼	-20 341	-0,3%
Кўмир СССШ-13	382 080	▲	4 846	1,3%
Швеллер 12	8 700 000	—	0	0%
Пахта чигити шелухаси	556 437	▲	67 741	14%
Шифер 8 тўлқинли	32 946	▼	-152	-0,5%
Шрот (кунгабоқар)	2 900 000	▲	600 000	26%
Шрот (соя)	4 852 174	▲	552 174	13%
Пахта чигити шроти (кунжараси)	976 880	▼	-74 786	-7,1%
Арпа	1 351 967	▲	414 008	44,1%

* Маҳсулотлар котировкаси охириги ҳафтадаги савдо натижалари асосида шакллантирилади. Ҳисобот ҳафтаси давомида биржа савдоларига қўйилмаган ёки сотилмаган товарлар учун котировка бўлиб ўтган охириги савдолар натижалари асосида шакллантирилади.

Биржа листингини ўтказиш тартибига кўра, сўнги 3 ойда товарга талаб бўлмаган, ушбу товар билан битимлар мунтазам тузилмаган тақдирда маҳсулот биржа котировка варагидан чиқарилади.

Ўзбекистон Республикаси
Марказий банки томонидан
2018 йил 9 октябрдан бошлаб ўрнатилган
хорижий валюталарнинг сўмга
нисбатан расмий курси

Валюта номи	Курс	Курсдаги ўзгаришлар		
		динамика	(сўмда)	(%)
1 АҚШ доллари	8 181,08	▲	1,42	0,02%
1 Евро	9 427,06	▼	-41,71	-0,44%
1 Россия рубли	122,73	▼	-3,11	-2,47%
1 Англия фунт стерлинги	10 735,21	▲	68,12	0,64%
1 Япония иенаси	71,95	▲	0,14	0,19%
1 БАА дирхами	2 227,48	▲	0,21	0,01%
1 Афғонистон афғониси	108,50	▼	-0,13	-0,12%
1 Арманистон драми	16,92	▼	-0,07	-0,41%
1 Аргентина песоси	216,39	▲	8,78	4,2%
1 Австралия доллари	5 768,48	▼	-139,69	-2,36%
1 Озарбайжон манати	4 832,30	▲	0,84	0,02%
1 Бангладеш такаси	97,77	▲	0,02	0,02%
1 Болгария леви	4 821,48	▼	-21,71	-0,45%
1 Бахрайн динари	21 714,30	▲	11,83	0,05%
1 Бруней доллари	5 918,45	▼	-45,57	-0,76%
1 Бразилия реали	2 130,16	▲	94,20	4,63%
1 Беларусь рубли	3 818,47	▼	-68,28	-1,76%
1 Канада доллари	6 324,76	▼	-60,61	-0,95%
1 Швейцария франки	8 250,38	▼	-64,82	-0,78%
1 Хитой юани	1 191,19	▲	0,21	0,02%
1 Куба песоси	8 181,08	▲	1,42	0,02%
1 Чехия кронаси	366,32	▼	-0,68	-0,19%
1 Миср фунти	458,58	▲	0,59	0,13%
1 Грузия лариси	3 140,53	▼	-11,55	-0,37%
1 Венгрия форинти	29,05	▼	-0,28	-0,95%
1 Исроил шекели	2 257,72	▲	7,90	0,35%
1 Ҳиндистон рупийси	110,91	▼	-1,26	-1,12%
1 Эрон риали	0,19	—	0	0%
1 Қирғизистон соми	118,48	▼	-0,67	-0,56%
1 Жанубий Корея вони	7,23	▼	-0,12	-1,63%
1 Кувайт динари	26 968,22	▲	17,12	0,06%
1 Қозғистон тенгеси	22,02	▼	-0,43	-1,92%
1 Малайзия ринггити	1 974,20	▼	-2,52	-0,13%
1 Польша злотийси	2 189,33	▼	-20,73	-0,94%
1 Сингапур доллари	5 917,17	▼	-46,85	-0,79%
1 Тожикистон сомони	868,66	▼	-0,03	0,00%
1 Туркменистон манати	2 344,15	▲	0,41	0,02%
1 Янги турк лираси	1 334,10	▼	-46,20	-3,35%
1 Украина гривнаси	291,35	▲	1,19	0,41%
1 СДР	11 381,35	▼	-35,66	-0,31%

ЎЗРВБ савдоларида
АҚШ долларининг сўмга нисбатан
ўрнатилган курси динамикаси

Сана	USD/UZS			
	курс	динамика	ўзгариш	ўзгариш (%)
2018 й. 8 сентябрь	7870,0	▲	4,00	0,05%
2018 й. 10 сентябрь	7889,0	▲	19,00	0,24%
2018 й. 11 сентябрь	7893,0	▲	4,00	0,05%
2018 й. 12 сентябрь	7906,0	▲	13,00	0,16%
2018 й. 13 сентябрь	7933,0	▲	27,00	0,34%
2018 й. 14 сентябрь	7956,0	▲	23,00	0,29%
2018 й. 15 сентябрь	8003,0	▲	47,00	0,59%
2018 й. 17 сентябрь	8039,0	▲	36,00	0,45%
2018 й. 18 сентябрь	8062,0	▲	23,00	0,29%
2018 й. 19 сентябрь	8078,0	▲	16,00	0,20%
2018 й. 20 сентябрь	8088,0	▲	10,00	0,12%
2018 й. 21 сентябрь	8141,0	▲	53,00	0,66%
2018 й. 24 сентябрь	8189,0	▲	48,00	0,59%
2018 й. 25 сентябрь	8183,0	▼	-6,00	-0,07%
2018 й. 26 сентябрь	8175,0	▼	-8,00	-0,10%
2018 й. 27 сентябрь	8171,0	▼	-4,00	-0,05%
2018 й. 28 сентябрь	8176,0	▲	5,00	0,06%
2018 й. 2 октябрь	8174,0	▼	-2,00	-0,02%
2018 й. 3 октябрь	8182,0	▲	8,00	0,10%
2018 й. 4 октябрь	8179,0	▼	-3,00	-0,04%
2018 й. 5 октябрь	8187,0	▲	8,00	0,10%
2018 й. 8 октябрь	8205,0	▲	18,00	0,22%

СТАТИСТИКА

Хорижий валютадаги депозитлар бўйича банк фоиз ставкаси
(ҳисобланган ўртача йиллик фоиз ставкалари)



FINANCEUZ хабар қилади

Карта тўловлари хавфсизлик стандартларига жавоб берадими?

Хорижлик мутахассисларнинг қайд этишича, бир қатор ташкилотлар томонидан пластик карта орқали амалга ошириладиган тўловлар жараёнида карта эгасига тегишли маълумотларнинг хавфсизлиги юқори даражада таъминланмапти.



Verizon компаниясининг баёнотига кўра, тўлов карталари соҳасида ахборот хавфсизлиги Стандарти (PCI DSS) талабларига жавоб берувчи компаниялар сони сўнгги олти йил мобайнида илк марта 52,5% га қисқарган.

2018 йилда ўтказилган тўловлар хавфсизлиги бўйича ҳисоботда келтирилишича, айнан йирик компаниялар орасида PCI DSS талабларига риоя этилиш кўрсаткичи сезиларли пасайган. Таъкидланишича, 2016 йилда қайд этилган 55,4% йирик компанияларга нисбатан 2017 йилда 52,4% компаниялар томонидан PCI талабларига жавоб берилган.

Умуман олганда, қайд этилган кўрсаткич минтақалар ўртасида турлича эканлигини англатади. Жумладан, Осиё-Тинч океани минтақасида фаолият олиб бораётган компанияларнинг 77,8 фоизи, Европада 46,4 фоизи, Шимолий ва Жанубий Америкада 39,7 фоизи PCI DSS талабларига бутунлай жавоб беради.

Бизнес соҳасига тўхталиб ўтсак, IT-хизматлари юқори поғоналарда турибди: 77,8 фоиз ташкилотлар ушбу стандартнинг барча талабларига жавоб беради. Чакана савдо вакилларининг 56,3 фоиз, молиявий хизматларни кўрсатувчи компанияларнинг 47,9 фоиз ҳамда энг паст кўрсаткични қайд этган ресторан ва меҳмонхона бизнеси ташкилотлари 38,5 фоизлик кўрсаткич билан хавфсизлик талабларига жавоб бериши қайд этилди. Маълумотлар хавфсизлиги бўйича Умумий тартиб талабларига риоя этиш учун компаниялар PCI DSS талабларига мурожаат этишлари, ҳар кун электрон тўловларни амалга оширувчи бизнес секторларидаги бу каби кескин фарқ эътиборли ҳисобланади.

P.S. 2017 йилнинг 26 декабрида Uzcard компанияси тўлов карталари соҳасида маълумотлар хавфсизлиги бўйича PCI DSS сертификатини янгилади. Бугунги кунга келиб, Uzcard компанияси ушбу стандартнинг талаб ва меъёрларига жавоб беради ҳамда режага мувофиқ ҳар йили PCI DSS сертификатини янгилаб туради.

Энди банклар ҳам микроқарз беради

Қонунчиликка киритилган қўшимчаларга мувофиқ, банклар эндиликда микроқарз бериш операциясини амалга оширади.

Ўзбекистон Республикаси Президенти 2018 йил 3 октябрда «Ўзбекистон Республикасининг айрим қонун ҳужжатларига иқтисодий муносабатлар ва тадбиркорликни ривожлантиришга қаратилган ўзгартиш ва қўшимчалар киритиш тўғрисида»ги Қонунни имзолади.

Киритилган қўшимчаларга мувофиқ, банклар эндиликда микроқарз бериш бўйича банк операциясини амалга оширадиган бўлди.

Шунингдек, эндиликда лицензия талаб этадиган фаолият турлари учун лицензиянинг амал қилиш муддати чекланмаган ҳолда берилди.



Қонунчиликда лицензиянинг муддати чекланиши мумкин, лекин бу муддат беш йилдан кам бўлмаслиги лозим.

Шунингдек, киритилган ўзгартишларга кўра аэропортлардаги ташиш ишларини бажарувчи ҳаво кемаларига хизмат кўрсатиш, аудиовизуал асарларни тайёрлаш, дубляж қилиш ва экранда намоиш этиш учун лицензия олиш талаб этилмади.

Микромолиявий хизматлар кўрсатиш шартномалари бўйича йиллик қарз миқдорининг ярмидан кўпини

ташкил этадиган суммада фоизлар ҳисоблаш, воситачилик ҳақлари ва неустойка (жарима, пеня) ундириш, жавобгарлиқнинг бошқа чораларини қўллаш тақиқланади.

Эндиликда божхона брокери сифатида фаолиятни амалга ошириш учун рухсатнома талаб этилмайди.

Устав фондида давлат улуши бўлган корхоналар товарни божхона ҳудудидан ташқарида қайта ишлашга олиб чиқиш учун товарни қайта ишлаш жараёнининг техник-иқтисодий асосларини ваколатли орган билан келишиш, Ўзбекистон Республикасининг иқтисодий манфаатларига зарар етказмаслиги ҳақида ваколатли органнинг хулосасини олиш талаби бекор қилинди.

Бундан ташқари божхона расмийлаштируви бўйича мутахассиснинг малака аттестати бекор қилинди.

Ў.А.

ОБУНА-2019

ОБУНА КАМПАНИЯСИ-2019

Обуначилар диққатига!

- Обунани фақат «Банк ахборотномаси» газетаси билан шартнома тузган дистрибьютор-ташкilotлар орқали расмийлаштиринг.
- Тахририят бугунги кунда қуйидагилар билан шартнома имзолаган:

ТАРКАТУВЧИ ТАШКИЛОТЛАР:

- ▶ «Ўзбекистон почтаси»;
- ▶ «Матбуот тарқатувчи» агентликлари.

ХУСУСИЙ КОМПАНИЯЛАР:

- ▶ «SAYYOR 2017» МЧЖ;
- ▶ «GRAND INTER MEDIA» МЧЖ;
- ▶ «SHA-GAY PRESS SERVIS» МЧЖ;
- ▶ «Matbuot Servis» МЧЖ;
- ▶ «Matbuotchi» МЧЖ;
- ▶ «SURXON MATBUOT NASHRLARI» МЧЖ;
- ▶ «KALEON INFORM» МЧЖ;
- ▶ «MATBUOT TONGI» МЧЖ.

- Қулай бўлиши учун сиз нашримизнинг расмий сайти – www.banknews.uz дан тўғридан-тўғри обуна шартномасининг имзоланган шаклини юклаб олишингиз ва тўлдириб, тахририятимиз манзилига юборишингиз мумкин.



**БОЗОРНИ
ТўЛҚОНЛИ
ИДРОК ЭТИШ
ИМКОНИЯТИ**

Обуна индекси – 102.

Обуна бўйича мурожаат учун:
Тел.: (998 71) 232-45-32, 233-45-16.
Факс: (998 71) 232-43-98.
E-mail: info@banknews.uz

БАНК АХБОРОТНОМАСИ

АХБОРОТ-ТАҲЛИЛИЙ ГАЗЕТА

ҲАМКОРЛАРИМИЗ ВА МУАССИС

Ўзбекистон Республикаси
Марказий банки

«Norma Hamkor» МЧЖ

«Moliya yangiliklari agentligi» МЧЖ

БОШ МУҲАРРИР

Р.Л. ВАЛИЕВ

Нашр учун масъул

Б. МУҲАММАДИЕВ

ЧОП ЭТИШГА ТАЙЁРЛОВЧИ

«Moliya yangiliklari agentligi» МЧЖ

Газета тахририятнинг
техник ускуналарида саҳифаланди.

АХБОРОТ КУМАГИ

ЎЗА, «Туркистон-пресс» НАА

ТАХРИРИЯТ МАНЗИЛИ:
100060, Тошкент ш.,
Шаҳрисабз кўчаси, 23-уй.
e-mail: info@banknews.uz,
www.banknews.uz

**Реклама ва эълонлар учун
232-45-32 телефони
орқали мурожаат қилинг.
Факс: 232-43-98.**

Нашр индекси – 102.

Тахририятнинг фақат вама розилиги билан «Банк ахборотномаси»да эълон қилинган материалларни кўчириб босишга ижозат берилди. Қўлёзмалар тақриз қилинмайди ва қайтарилмайди.

Газета Ўзбекистон Матбуот ва ахборот агентлиги томонидан 2012 йил 10 январда 0065-тартиб рақами билан рўйхатга олинган.

Газета ҳафтада бир марта пайшанба кунини чиқади.

Буюртма № 1 089.
Адади 3125 нуска.

Нархи шартнома асосида.

Газета А3 ҳажмида, 2 шартли босма табоқда чоп этилди.

Босишга рухсат этилди: 10.10.2018 й., 9.00.

1 2 3 4 5